



# Fihi ya 'Ibada yenye picha zilizochorwa

Hukumu za Kiislamu zilizowepesishwa


Tohara

Swala

Funga

Zakat

Hijja



Dr . Abdullah Bahmmam

Tarjama

Dr Abdalla Khatib

Marejeo

Sheikh Salim Barhayan

Ustadh Said Abdu

Ustadh Ahmed Yasin Mustafa

Sheikh Said Bawazir

Mnyama wa kudhahi  
(kuchinja siku ya Idd)



# Mnyama wa kudhahi (kuchinja siku ya Idd)

## Mnyama wa kudhahi

Ni yule anayechinjwa miongoni mwa wanyama howa siku za idd ya kuchinja kwa kujikurubisha kwa Mwenyezi Mungu Aliyetukuka.

## Hukumu ya kudhahi

Ni sunna iliyotiliwa mkazo, kwa neno lake Mwenyezi Mungu Aliyetukuka: {Basi mswalie Mola wako na uchinje} [108: 20]. Na kwa hadithi ya Anas ؓ kwamba Nabii ﷺ alidhahi (alichinja) kondoo wawili wazuri<sup>(1)</sup> wenye pembe<sup>(2)</sup>. Aliwachinja kwa mkono wake. Akapiga bismillahi na akaleta takbiri na akaweka guu lake juu mbavu zao<sup>(3)</sup><sup>(4)</sup>.

(1) Amlah: Mnyama mwenye weupe na weusi, na weupe ukawa ni mwingi zaidi.

(2) Aqran: mwenye pembe.

(3) Imepokewa na Tirmidhi

(4) Swifaahuhumaa: ni wingi wa swafhah nao ni upande wa shingo.

## Yaliyomo

Maana ya mnyama wa Udh'hiya

Hukumu ya kudhahi

Wakati wa kuchinja mnyama wa Udh'hiya

Mnyama anayetosheleza kudhahi

Miaka ya mnyama inayotosheleza kudhahi

Mnyama bora wa Udh'hiya

Aibu za mnyama wa kudhahi

Kugawanya nyama ya kudhahi





## Faida

Mwenye kutaka kudhahi, haifai akate nywele zake na kucha zake na kitu chochote mwilini mwake ungiapo mwezi wa Mfungotatu mapaka achinje. Hii ni kwa hadithi iliyopokewa na Ummu Salama ؓ kwamba Mtume ﷺ alisema: (Siku kumi zinapoingia na akataka mmoja wenu kudhahi, basi asiondowe chochote katika nywele zake na mwili wake) <sup>(1)</sup>. Ama wale ambao wanafanyiwa tendo la kudhahi, kama mke na watoto, si haramu kwao kuondoa nywele au uchafu wa mwilini kama kucha.

(1) Imepokewa na Muslim.



## Wakati wa kuchinja mnyama wa Udh'hiya

Wakati wa kuchinja unaanza baada ya Swala ya Idd ya kuchinga mpaka jua la siku ya mwisho wa siku za tashriiq kuzama (Siku ya kumi na moja, kumi nambili na kumi na tatu za mwezi wa Mfungotatu).

## Mnyama wa Udh'hiya anayetosheleza

1. Mbuzi au kondoo mmoja anamtosheleza mtu mmoja. Na anaweza kumshirikisha anayemtaka katika thawabu, kwa kuwa Mtume alipotaka kuchinja mnyama wake wa kudhahi alisema: (Bismillahi. Ewe Mola mtakabalie Muhammad na jamaa za Muhammad na umma wa Muhammad) <sup>(1)</sup>.
2. Ngamia mmoja na ng'ombe mmoja wanawatosheleza watu saba. Basi yafaa kwa watu saba kushirikiana katika ngamia au ng'ombe, kwa kauli ya Jabir: (Akatuamrisha Mtume wa Mwenyezi Mungu ﷺ tushirikiane katika ngamia na ng'ombe, kila watu saba miongoni mwetu kwa ngamia mmoja <sup>(2)</sup> ) <sup>(3)</sup>.



(1) Imepokewa na Bukhari na Muslim.

(2) Badanah: ni ngamia, awe ni mwanamke au mwanamke.

(3) Imepokewa na Muslim.



## Mlango wa Hijja

### Miaka ya mnyama inayotosheleza kwa Udh'hiya

*Jadha* wa kondoo: Naye ni mwenye miezi sita.

*Thanii* wa mbuzi: ni mwenye mwaka mmoja.

*Thanii* wa ng'ombe: ni mwenye miaka miwili.

*Thanii* wa ngamia: ni mwenye miaka mitano.

### Mnyama bora wa Udh'hiya

Mnyama bora ni ngamia ikiwa atatolewa mzima kwa sababu thamani yake iko juu na nimanufaa kwa mafakiri kisha ni Ngo;mbe ikiwa atatolewa mzima kisha Mbuzi, kisha fungu la saba la Ngamia kisha fungu la saba la Ngo'mbe

### Aibu za mnyama wa Udh'hiya

#### 1. Aibu zinazozuia kutosheleza <sup>(1)</sup>

«Awraa': Ni mnyama mwenye ila machoni mwake, na anaingia ndani ya huyo mnyama kipofu.

«Arjaa»: Ni mnyama asiyeweza kutembea.

«Ajfaa': Ni mnyama aliyekonda asiye na mafuta. mgonjwa ambaye ugonjwa wake uko wazi:

Dalili ya hayo ni Hadithi iliyopokewa na Baraa bin «Aazib ؓ kwamba Mtume wa Mwenyezi Mungu ﷺ alisema: (Haifai kudhahi kwa mnyama mwenye jicho moja ambaye kasoro katika jicho lake iko wazi, na mnyama kiguru ambaye kiguru chake kiko wazi, na mngonjwa ambaye ugonjwa wake uko wazi, na aliyekonda asiye na mafuta

(1) Inazuilia kutosheleza: Haisihi kumchinja kama mnyama wa kudhahi.

<sup>(2)</sup> ) <sup>(3)</sup>. Na zinakutanishwa na hizi, aibu ambazo hufanana na hizi au ni mbaya zaidi kuliko hizi.

#### 2. Aibu zisizozuia kutosheleza kudhahi

AL-Batraa»: Asiye na mkia.

AL-Jammaa»: asiye na pembe kimaumbile.


AL-Khaswiyy: Kondoo ailiyekatwa konde zake za dhakari.

-Alie na mpasuko kwenye sikio lake au tundu, au pembe yake imevunjika.

Haya yaliyotajwa kuhusu kinachotosheleza katika kudhahi ndiyo hayo hayo kuhusu tunuku na fidia.

### Kugawanya nyama ya Udh'hiya

Imeruhusiwa na sharia kwa mwenye kudhahi ale theluthi ya nyama yake, na akiitoa sadaka yote inafaa, na akila nyingi ya ile nyama pia inafaa.



(2) Laa tanqii: hana duhu (mafuta).

(3) Imepokewa na Muslim.



**Mnyama wa kudhahi (kuchinja siku ya Idd)**

